



KEMENTERIAN KESIHATAN MALAYSIA

**KENYATAAN MEDIA  
KEMENTERIAN KESIHATAN MALAYSIA**

**MAKLUMAN PRODUK KOSMETIK YANG DIKESAN  
MENGANDUNGI RACUN BERJADUAL**

1. Bahagian Regulatori Farmasi Negara (NPRA), Kementerian Kesihatan Malaysia (KKM) ingin menggesa orang awam untuk mengelak daripada membeli dan menggunakan produk kosmetik berikut kerana dikesan mengandungi racun berjadual seperti di bawah:

<b>Bil.</b>	<b>Nama Produk</b>	<b>Racun Berjadual Yang Dikesan</b>
1.	FLASHHSKINZZ MOIST SUNSCREEN	Merkuri
2.	SERENE TREATMENT CREAM	Merkuri
3.	TEMPIAS HAWA MASTER RECOVERY SKIN RSKIN	Merkuri
4.	KARISMA PREVENTING DAY CREAM	Merkuri
5.	SL TWO KUNYIT	Merkuri dan Betamethasone 17-Valerate
6.	SL TWO SARANG BURUNG	Hydroquinone, Tretinoin dan Betamethasone 17-Valerate

2. Susulan daripada itu, notifikasi produk kosmetik terlibat telah dibatalkan oleh Pengarah Kanan Perkhidmatan Farmasi, KKM dan tidak lagi dibenarkan untuk dijual di Malaysia.

**PERIHAL BAHAN RACUN BERJADUAL**

3. **Merkuri** dilarang di dalam produk kosmetik kerana boleh memudaratkan kesihatan. Ia boleh diserap masuk ke dalam badan dan menyebabkan kerosakan pada buah pinggang dan sistem saraf. Ia juga boleh mengganggu perkembangan otak kanak-kanak yang masih kecil atau yang belum dilahirkan. Merkuri juga boleh menyebabkan ruam, iritasi dan perubahan lain pada kulit.

4. Produk yang mengandungi **hydroquinone, tretinoin dan betamethasone 17-valerate** adalah ubat yang perlu berdaftar dengan Pihak Berkuasa Kawalan Dadah dan hanya boleh digunakan dengan nasihat ahli profesional kesihatan. Penggunaan produk yang mengandungi bahan-bahan tersebut **tanpa pengawasan ahli profesional**

**kesihatan** boleh menyebabkan kesan-kesan sampingan yang tidak diingini seperti berikut:

- Hydroquinone boleh menyebabkan kemerahan pada kulit yang disapu, ketidakselesaan, perubahan warna kulit yang tidak diingini, kulit menjadi hipersensitif, boleh menghalang proses pigmentasi (depigmentasi) yang mengurangkan perlindungan kulit daripada pancaran sinar UV merbahaya dan boleh meningkatkan risiko kanser kulit.
- Tretinoin boleh menyebabkan bahagian kulit yang disapu menjadi kemerahan, tidak selesa, pedih, mengelupas dan hipersensitif kepada cahaya matahari.
- Betamethasone 17-Valerate boleh menyebabkan bahagian kulit muka yang disapu menjadi nipis dan mudah mengalami iritasi, berjerawat, perubahan pada pigmentasi kulit dan meningkatkan risiko untuk diserap ke dalam sistem peredaran darah yang boleh membawa kesan mudarat.

### **PERINGATAN KEPADA PENJUAL DAN PENGEDAR PRODUK KOSMETIK INI**

5. Penjual dan pengedar produk kosmetik ini perlu menghentikan penjualan dan pengedaran produk kosmetik tersebut dengan serta-merta. **Penjualan dan pengedaran** produk kosmetik ini adalah melanggar Peraturan-Peraturan Kawalan Dadah dan Kosmetik 1984.

6. Individu yang melakukan kesalahan di bawah Peraturan-Peraturan ini boleh dikenakan hukuman denda tidak melebihi RM25,000 atau penjara tidak melebihi 3 tahun atau kedua-duanya untuk kesalahan pertama dan denda tidak melebihi RM50,000 atau penjara tidak melebihi 5 tahun atau kedua-duanya untuk kesalahan berikutnya. Syarikat yang melakukan kesalahan boleh dikenakan denda sehingga RM50,000 untuk kesalahan pertama dan denda sehingga RM100,000 untuk kesalahan berikutnya.

### **PERINGATAN KEPADA ORANG AWAM**

7. Orang awam yang sedang menggunakan produk kosmetik ini dinasihatkan untuk segera menghentikan penggunaannya dan mendapatkan nasihat daripada ahli profesional kesihatan jika mengalami sebarang ketidakselesaan atau kesan advers.

8. Orang awam digalakkan untuk menyemak status notifikasi sesuatu produk kosmetik dengan melayari laman sesawang rasmi NPRA [www.npra.gov.my](http://www.npra.gov.my) atau melalui aplikasi 'NPRA Product Status' yang boleh dimuat turun daripada *Google Play Store*.

Sekian, terima kasih.

**TAN SRI DATO' SERI DR NOOR HISHAM ABDULLAH**  
**KETUA PENGARAH KESIHATAN MALAYSIA**

22 Mac 2023

**LAMPIRAN**

**Nama Produk: FLASHH SKINZZ MOIST SUNSCREEN**



**Nama Produk: SERENE TREATMENT CREAM**



**Nama Produk: TEMPIAS HAWA MASTER RECOVERY SKIN RSKIN**

<p>MASTER RECOVERY SKIN <i>Rskin</i> 10g</p>	<p>#GiveYourSkinSecondChance</p> <ul style="list-style-type: none"> <li>NIACINAMIDE,</li> <li>ALPHA ARBUTIN</li> <li>HYALURONIC ACID(HA)</li> <li>ARGAN OIL</li> </ul> <p>NOT 211004813K Price (SM / SS) RM 45.00 SM RM 48.00 SS</p>	<p>MUA Tempias Hawa   TEMPIAS HAWA HQ</p> <p>muatempishawa</p> <p>MADE IN MALAYSIA</p> <p>DISTRIBUTED BY: TEMPIAS HAWA SDN BHD (1391480-D) ALOR SETAR, KEDAH. +60132217388</p>
<p><b>INGREDIENTS :</b> Aqua, Retinol, Propylene Glycol, Buckthorn Oil, Allantoin, Witch Hazel, Tranexamic Acid, Caprylic/Capric Triglyceride, Glycerol Stearate, PEG-100 Stearate, Glycerine, Isononyl Isononanoate, Cetyl Alcohol, Stearic Acid, Cyclopentasiloxane, Dimethicone Crosspolymer, Butyrospermum parkii (Shea Butter), Squalane, Dimethicone, Sodium Polyacrylate, Hydrogenated Polydecene, Trideceth-6, Camellia Sinensis Leaf Extract, 1,2-hexanediol, Arbutin, Vitis Vinifera/Vitis Vinifera (Grape) Seed Extract, Lecithin, Linoleic Acid, Linolenic Acid, Tocopheryl Acetate, Sodium Ascorbyl Phosphate, Glutathione, PEG-40 Hydrogenated Castor Oil, Pearl Powder, Ceramide NP, Ceramide AP, Ceramide EDP, Phytosphingosine, Cholesterol, Sodium Lauroyl Lactylate, Carbomer, Tocopherol, Xanthan Gum, Phenoxyethanol, Goji Berry</p> <p><b>DIRECTION / USAGE :</b> Apply all over your Face using Fingers. Flatten the entire Face until Diffused.</p> <p><b>STORAGE :</b> Keep in a cool and dry place</p> <p><b>WARNING :</b> STOP USING IF IRRITATION OCCURS IF SKIN IS SENSITIVE OR ALLERGIC. PLEASE REFER TO YOUR DOCTOR FIRST</p>		

**Nama Produk: KARISMA PREVENTING DAY CREAM**

<p>Karisma Day Cream Cosmetic</p>	<p>Karisma Cosmetic Karismacosmetic_Hq</p> <p>BUATAN MALAYSIA</p> <p>GMP CERTIFIED</p> <p>HALAL</p>	<p>Krim ini dipakai sebagai alas bedak dan sebagai pelindung cahaya matahari. Kesan pemakaian krim ini dapat membuatkan kulit anda lebih cerah dalam masa 1 minggu. Selain itu, ia dapat menghilangkan kesan parut serta kesan penuaan. Terdiri daripada ekstrak vitamin C. Dipakai pada waktu siang.</p> <p><b>HARGA:</b> RM53.00 (WM) RM63.00 (EM)</p>

**Nama Produk: SL TWO KUNYIT**



**Nama Produk: SL TWO SARANG BURUNG**



